

儿名 格
2170

山陵志九志二

古之帝王其奉祖宗之祀而致仁孝之誠也郊以配乎天廟

以享乎祖配乎天則作之靈時至尊至嚴禮弗敢瀆說在神祇志

享乎祖則立之大官以置祝宰百世弗毀特報其有盛德不

烈者焉如伊勢及賀茂八幡廟是也而其餘各就山陵以時將常典有事而

禱告於是諸陵察之職治部省管之掌喪祭之禮供幣之數及陵戶

名籍與其禁令而正其兆域脩其垣溝度其所職其有儀則延

諸陵式謂其世之親者曰近陵疏者曰遠陵其供幣之數亦從

有差歲十二月月上旬察錄之併諸國山陵使姓名及驛鈴等數

以申省省申大政官然後頒幣即日遣奉乃謂之荷前之祭且

陵墓之側其有原野者察仰守戶并移所在國司共知豫除之

使失火無相延燒又其兆域垣溝有所損壞者令守戶脩理而

專當官人巡加檢校固不得葬埋臣庶及耕牧樵採也○按荷

奇不存
檢校志

前之荷讀為登。登成也。謂年穀成熟。蓋薦新以其先成熟之時。故謂之荷前。祝辭式。荷前或讀為初穗也。夫初穗之享。後世雖轉將之歲終也。由名而求實。起于薦新。可知矣。謂農神。稻荷其取成熟之義。可以徵矣。故曰山陵猶宗廟也。苟無有之。則臣子何仰焉。

山陵。淳和帝臨崩。遺詔令薄葬。不置中納言藤原吉野諫云爾。

臣子惟仰乎此而祀焉。則其禮隆矣。律謀毀山陵。謂之謀大逆。

與居八虐之一焉。則其刑重矣。是王者之以孝治天下所由而

基也。胡其可不畏敬哉。上古大朴。山陵之制未備。瓊杵氏。

炎見氏。彥波瀲武氏。邈矣。三陵皆在日向國。自太祖至乎孝元。

猶就丘隴而起墳焉。自開化其後。蓋寢有制。及垂仁始備。

下至于敏達。凡二十有三陵。制略同焉。凡其營陵。因山從其

形勢。所向無方。大小高卑長短無定。其為制也。必象官車。而使

前方後圓。為壇三成。且環以溝。延曆十一年。以廢太子早良為

穢。皇溝也。因知諸陵之溝。亦其故。然也。壇不必三成。舉其率言之。夫其圓而高者。如張蓋也。頂

為一封。即其所葬。方而平者。如置衡也。其上隆起。如梁輈也。前

後相接。其間稍界。而左右有圓丘。倚其下壇。如兩輪也。及至後

世。民睹之。而莫能識焉。猶號曰車冢。蓋亦以是也。凡陵側之地。必有三五丘。

冢。乃視之。陵頗小。而班列其前後左右。此蓋當時所陪葬者也。其狀率皆圓。則人臣墓制亦從可知。然其象官車。不必為帝陵。

也。何者。其類間有之。而其非史及諸陵式之所載。莫審為何物。疑是皇后皇子若重臣別勅所許。或帝王改葬。而其故陵尚存。自用明至于文武。凡十陵。特變是制。但圓造之。穿治玄

室於其內。而築之以望。覆之以巨石。石棺在其內。南面。故其戶

南向。而累石為之。羨道。其制嚴密。既已如是。是以不復環之以

山陵志第一

溝也。班鳩，天子治壽藏于河內，磯長即是制也。當時天子自負聰明有才藝，居作者之聖，於舊章多所變替，乃若山陵，蓋亦然。
歟。諸陵式載：天子磯長墓，天子傳曆徒然州，並言其治壽藏焉。天子者，用明帝之子，而山陵變制自。用明始是天子好。異。漢唐之制，而所為然，其制不惟限於帝陵，下及乎諸有冠位者，亦用。但視之帝陵，必卑而小，所以明等差也。大化二年有冠。詔定陵墓之度，王以上之墓，其內長九尺，高廣五尺，外域方九尋，高五尋，上臣下臣，其內皆準于上，外域上臣方七尋，高三尋。而下臣方五尋，高二尋，半大仁小仁，其外域長九尺，高廣四尺，平而不封焉。大禮以下，小智以上，亦準大仁。凡五等，是因天子之所創，而為之度也。其工役，王以上，千人，七日而竣。次半之五日，次又其半之三日，次百次半之並一日也。古者棺槨之制，檀弓曰：四寸之棺，五寸之槨，又曰：棺周於衣，槨周於棺。士周於槨，喪大記曰：棺槨之間，君容祝，大夫容壺，士容瓶。言其巨細，不過如此。而春秋戰國之間，諸侯強僭，日甚。羨道，周謂之隧，隧者，王章也。曩以晉文之功，而所不見許，至于僭王者，又何憚哉。即其冢之高壯，堅密，以務其侈，至秦始皇而極矣。西京雜記：廣川王去疾發堀，魏襄王冢，皆以文石為槨，高八尺許，廣狹容四十人，以

手捫，棹滑液如新，又幽王冢甚高壯，羨門既開，皆是石室，併考之。今陵內女室亦謂之棹歟。迄于南都，更復舊制，惟其所仍，正南面而已矣。古之大喪，厥紀無傳，然觀乎山陵遺制及石棺暴露者，則其牆翬衣衾，珠襦玉匣，與夫銘旌鼓吹之儀，祭奠明器之數，雖一無見，文獻之可徵，猶足以知其禮物之有在焉。而至如其用殉，雖曰甚慘，其所由起，亦必有以矣。蓋國初佐命功臣，與宗社同休戚，其忠誠惻怛之心，曷嘗不期以死終始哉。方臨大喪，自刎陪葬，以遂宿志者，或有之。而流風慕尚，因仍成俗，卒至於使生平所愛，必例從死焉。乃以垂仁帝之齊聖仁恕也，而為之惻然，不忍其臨穴惴惴無罪而就死地，誕能發德音，建明制，代以土物，置土師臣，以司喪紀，且石棺

之設。先朝既有而製造未有專職。至是置石作連以治焉。

垂仁帝二十八年倭彥薨用近臣為殉生埋之其呻吟之聲旬月不絕帝聞之惻然乃詔羣臣曰生之所愛死而為殉不亦

慘乎此雖古之遺制安可遵用自今議止之明年皇后崩詔曰殉死之俗前知不可今是葬也為之如何野見宿禰奏請以

土物代之帝嘉之立為永制以野見居其官乃因官賜姓土師臣又據姓氏錄方此時武真利根獻石棺賜姓石作連然石

棺暴露孝昭陵以下往觀之其卜瑩兆程土物而興徒庸則非始於此故曰先朝已有

也必徵於天下諸國然民以其哀如喪考妣乃咸子來服役無

以為厲應神陵東北之隅營築未了處名甲斐阪土人傳是

制其度凡陵墓高卑之等其工役之課乃有常程詳見及中

宗繼統慮其德之不如古深恤民隱止其役焉天智帝葬其母齊明帝干

越智以問人大后祈焉而曰我奉天皇大后之遺詔以深恤民隱不敢與石椁之役冀永世以為鑑戒○按石椁謂穿

治玄室於陵內蓋其營以勞民大重故工役之費乃官給之不復徒勞

役焉故齊朋及天智陵是其治之也無乃從儉乎然而君

子不以天下儉其親而况王者乎且後朝不敢安之即就其

陵更脩造是亦所以追思繼孝也持統帝元年皇太子率公卿百寮國司國造及百姓男

女營大内山陵可見此復與其役焉文武帝二年冬十月修越智山階二陵所謂山階是天智陵也明其所初築皆從儉

也夫古之俗其狎乎鬼神而瀆齋盟所以求福於冥冥之間固

民性蒙昧之為而逮乎佛教之行據是攬衆志獲國權舉喪祭

之紀莫不咸為之所亂而自持統之喪始行火葬其為弊也

世以甚矣列子楚之南有炎人之國其親戚死朽其肉而棄然後埋其骨乃成為孝子秦之西有儀渠之國其親戚

死聚柴積薪而焚之。燻則煙上。謂之登遐。然後成為孝子。此上以為政下以為俗。而未足為異也。夫然則夷蠻之喪。固有如者是者。而佛之所生。身毒國。或與儀渠同俗。故亦行火葬也。後世浮屠氏曾不之識。奉以為典章者。乃不深思之過也。持統帝之時。宇治之僧道昭。其死始行火葬矣。然彼者。方外之士。固不足怪。今至其用諸大喪。不亦悲乎。及皇都奠于平安。則其郊野之際。負山帶川。不甚博。其丘阜之形。蓋亦宜陵者鮮矣。是以其陵率皆平地之所築。而遺詔依例。以薄其葬。最爾坏土無復如舊。况其火之不必於陵所也。餘燼遺骸。輒于毛髮。由是遷徙。弗一而已。既而塔擬山陵。僧司喪祭。不復奉謚。遂停尊號。其自居儉。雖如是也。至乃鑄造佛像。經營伽藍。務窮莊嚴。尤極奇麗。大費國用。曾莫之卹。嗟夫。廢先聖之禮。奉異端之說。惑已甚矣。而其弊之極。以山法師富擬於王室。權威於禁

衛邪行橫。作常犯其上。動輒構兵。不可復制。以鴨河之暴沸。為

患京邑。汜濫衍溢。民弗安處。猶得與之並稱。反殊劇焉。白河

言曰。不從朕心。惟雙陸。米鴨河水。山法師也。已。邦國憔悴。職是之由。而自紀綱不振。官

失其職。諸陵寮廢。奉幣使絕。而後發陵盜藏。無所畏憚。戰國喪

亂之際。其禍何過。所在伽藍。遇兵盡殘。塔中所藏。亦從而亡。嗚

乎。可勝慨哉。幸而其所完以存。惟泉涌寺諸陵。及其餘二三也。

已矣。夫喪祭禮之大經也。而天下離世多難。至乃園陵廢。春秋

闕。如此之極。命也。謂之何。既自臨大喪。而火其葬。黔靈車。赭梓

宮。堂堂禮典。委灰燼。幾何其不化為夷蠻哉。近世國恤。纔止之。

自後光明始。後光明帝。近世聖主也。幼而英明。慨然有志。於復古。不幸短命。春秋二十有二。以痘瘡崩。

時朝議依舊將火葬有一民鬻魚為業者呼八兵衛常聽命於宰夫出入官門聞之大悲慟歎曰嗚呼聖天子何天命之薄也。可奈之何且夫火葬者非聖人之道也况今大行在天之靈蓋嘗疾浮屠氏之虛誕斥異端最甚而其送終尚猶從事於其所斥邪吾小人苟目不瞑不肯從朝議敢諫爭止之不能則身死之於是奔走於仙洞及執政之門所至號哭悲泣敢請止火葬以從大行之志也朝議輒為之改而火葬止焉蓋感八兵衛忠誠也噫匹夫有志何事不成上之人不為則其可慚已甚矣以百王之弊其所革先發乎此如其悉皆復諸禮天將有待其時而然耶今竊因古圖參覽舊記周視陵地咨問芻蕘尚有可以考見作山陵志

大和山陵凡三十有一所按山陵謂帝王之墓也凡墓者以其築成曰都賀以其外歲曰芳賀而山陵以其所尊奉曰美佐佐岐先稱以美尊之也佐佐岐奉也陵號故

因陵地號之爾即如曰畝旁山東北陵曰今錄之曰某

陵在某地而注其下云云則於文不獲號陵以地故姑

改之以從謚焉夫謚者自神武至於文武凡四十

有二世是淡海文忠公奉勅所制甘露寺親長日記引

納言藤原通秀故其撰令也公式平出條有曰天皇謚

矣義解云謚者累生時之行跡為死後之稱號即經緯

海公奉勅所撰至養老三三年公重奉勅刊脩之而其公

式云爾則刊脩之日謚已建斷可識矣古事記成於和

銅四年而其書未有謚然則其建之當在乎自五年至

而代之以神功后者蓋當時以承天武之統而有

所諱也書紀釋引私記云淡海三船奉勅定神武以

來謚號然則不言其奉勅在何朝建謚為幾世徒以為

神武以來則其言孟浪不足以證是三船姓氏與淡海

公封國同名故謬作此說也且書紀以刊令之明年而
成焉則載謚固也然先載其故號而謚輒注其下不敢
大書之即其故號者假如神武曰神武之神武日本繫余
是其所以先載之者存古也神武之神武日本繫余
以其功定于磐余遂建為號故古事記書曰神倭而書
紀改之曰神日本此日本謂今畿內之倭以倭是神州
曰神倭神日本同焉天子者天下宗主也以其所宗
曰根子其後世之號曰大倭彥曰大倭根子亦皆襲之
也磐余地名也如磯城彥玉手觀神瀨川耳武瀨川
耳安寧曰磯城彥玉手觀耳及玉手觀即其
名而神曰武曰彥曰大之類是臨時所尊而稱然非世
世皆有之如應神仁德直著其名曰譽田曰齊明
大鷦鷯此純乎質也如孝德曰天萬豐日齊明
曰天豐寶重曰天智曰天命開別蓋皆頌其德
配之天而所追號追號亦謂之謚歟考之續書持統
謚曰大倭根子天之廣野姬則其類推可知雖其言
冗長不雅此寢乎文也自文忠制謚謚法章章而王者
功德斯著此文之備也乃寢乎文者雖其言冗長不雅
猶以存古亦並行之自謚淳和曰讓彌遠後不復

也爾且舊典神武之廟號大祖天智之廟號中

宗三善清行改元議云遠履大祖神武之遺蹤近襲
典多特以其有光烈盛德而所號歟元明帝臨崩有
遺詔俾母奉謚而追號直用其所居國都此蓋自謙不

敢當謚也元明陵誌石今暴露移在他所其銘曰
天皇之陵此蓋葬時所號然謚者所以稱君父之德而
者依遺詔不敢奉謚也

臣子之情安敢忍乎以遺詔而終廢其典哉故謚曰
元明然其謚之意當及乎謚元正而同奉焉故其

謚皆以元冠之矣天平勝寶八歲太上天皇崩聖
武也其勅云太上天皇以出家歸

佛故不奉謚據當時有此勅而觀之若二元女皇
雖乃遜位尚非出家非出家則其當奉謚且聖武之

追謚在天平寶字年中 元正暨 光仁 桓武 文

德 光孝之謚其奉之各當在其 後朝蓋皆是葬然

後謚惟 仁明謚然後葬明德實錄特書曰葬仁明皇帝于深草山陵餘皆不

也然 聖武其初以出家歸佛不敢奉謚也 廢帝天平

寶字二年百官及僧綱上表尊 上皇曰 寶字稱德

孝謙皇帝尊 皇太后藤原氏武聖曰 天平應真仁

正大后於是追謚 先帝曰 勝寶感神聖武皇帝書

曰追上尊號曰勝寶感神聖武皇帝謚曰天聖國

排開豐櫻彦今考之所謂追上尊號亦謂謚也而其不

言謚與下文所云 孝謙之號遂為謚焉凡帝王謚號

蓋如此云爾厥後追號有二焉一取宮名也一因陵地

也曰 平城曰 嵯峨此類宮名也 平城帝之謚曰推國彥然而世

因其御所之宮曰平 皆其遜位所遷御焉而遂稱之

不復奉謚非終阼也 自淳和以下 清和 朱雀

三條 鳥羽 二條 九條 華園 龜山 伏見是

皆上皇院名遂以為稱獨陽成院者 陽成所降誕

為異焉 凡人主遜位必遷御離宮稱之曰院 嵯峨離宮

院是 自 宇多以降停謚而 朱雀以降院代尊號不

曰天皇蓋原乎此矣後世其終阼者亦崩曰院後一條

為始 其後如後朱雀 後冷泉 堀河 近 而襲前

號曰後某亦 後一條為始是於 一條為之子且承

之統也 非即其所 至乃其餘不必皆有謂焉 後朱雀

也故不敢一一枚舉惟後二條後嵯峨後龜山後土御門皆其所終焉後深草即其所葬而以仁

明曰深草陵故曰字多曰醍醐曰村上是皆陵對此為後云

地也因陵地為稱古有之如桓武曰栢原天皇是也

後世罕矣惟深草然後曰白河有遺詔稱之然而非陵地

非所遷御官名也蓋嘗造浮屠大像構院安之于白河

無乃其故乎其餘不詳也六條高倉土御門是也夫停謚有說

必謂臣不敢議君子不敢議父曰有所諱似矣以天子

之尊不曰天皇此果何意哉嗚乎闕大典損國體莫大

焉源親房以為非臣子之道其言當矣後世奉謚曰

崇德曰安德曰順德屢屢是已後鳥羽其初謚謙德及後嵯

峨登極乃然以是觀之鳥在其必停之哉况乃天皇固改今號

至尊所宜稱故良史書之不敢以院可謂得體且加之

奉謚定陵號以脩祭祀其於致孝於鬼神庶乎有文也

大祖為神武相傳下鴨之神奉御祖神武之祀故號大祖神武陵

在畝旁山東北隅諸陵式畝旁山東北隅東北城東西一町南

率據諸陵式不復多引他書而證之曰白檮尾上古事記按

大祖之平定中國相畝旁東南以為土中營王宮曰檀原宮

蓋以其宮樹檀而所名歟古事記檀作白檮白檮即檀也又

稱陵所在曰白檮尾上不是移之以官樹則取官名也尾上

者山岨如尾者之上今畝旁山東北隅所呼曰御陵山墳然

而隆起此也。大和志以此為神八井之墳。神八井之墳，葬于畝處也。今妄認云爾。若果神八井之墳乎？其位已人臣，又何以傳謂之御陵乎？今呼曰御陵，是土人口碑，素而不偽。凡此類可擇而采矣。大非如夫，但其狀不甚高莊，且不象官車，乃以好事者以臆傳會也。

上古大朴，制未備也。廟陵記云：畝旁山東北陵，百年以來，犁為糞田，名曰神武田，猶餘數畝，為一封。

家今問其地，果有所謂神武田，然平地而距山岨東北三町許，乃不合尾上之名。且所謂餘數畝，為一封冢者，亦不在

神武田。距神武田又東北三町許，有古墳在焉。蓋指此也。夫民之無知，惟貪地利，至乃妄掣天子陵墓，然殆及其石棺，慄慄畏怖，不敢侵之。遂餘其數畝，為一封冢，是物之情也。苟夷之糞田，其上乃若是，若也。尚何更營一封于三町外哉？疑其

古墳是當時所陪葬，或神八井之類，決非神武陵也。神武田一名美贊佐伊，是美佐佐岐所訛，即謂山陵也。山陵與廟

俗互其言，今謂神武田曰美佐佐岐，蓋以其嘗有廟焉。相傳舊嘗有神武祠廟，在神武田地。昔年水潦，廟為之所漂，而後遷大窪村。大窪寺之趾，有國源寺焉。又傳國源寺亦嘗自

神武田旁遷于此。據多武峯記，有泰善法師，天延二年三月

十一日，行畝旁東北，遇一奇老人，顧泰善謂曰：為朕講大乘法，禱國家榮福，朕是人皇始祖，言畢乃不見。泰善以此瑞，每為創堂宇，號國源寺云。夫其說誕妄固，浮屠氏之常，然而其堂宇由此創造，則神武祠廟亦當在其寺中。即神武田旁曰塔垣內，就其名而考，疑是當時建塔廟處。因稱美佐佐岐，歟。其下曰洞村，今看省之，聚也。相傳其民故神武陵守戶人也。以故其守戶之子孫，遂轉業屠者，稱穢多亦勢也。

環是山而有。綏靖陵在西北。諸陵式：桃花鳥田丘，上陵。北城東西一町，南北一町。按

今呼綏善山，綏善是。綏靖之訛也。又名鳥田丘。凡丘，陵山。因並混言。

之依習俗，從便宜，不敢拘也。他皆放此。是即桃花鳥田丘省語也。桃花鳥史一作築。神武帝二年賜道臣第宅於築，寵異之。古事記作衝。衝田並讀為鬪岐。同

地也。然此名本非繫於畝旁西北，距畝旁南可半里，有舟附

村旁為鳥谷村。舟蓋後人所添。附亦讀為鬪岐。因知鳥谷即桃花鳥谷之省語。且宣化陵有在焉。則綏靖陵亦當在其近地。而今在畝旁西北。甚無謂。豈其改葬焉。而仍其舊號歟。夫名不虛口。口碑所傳。今訛則綏善省為鳥田。可以為明證矣。凡改葬。雖史官失之。尚有其跡之可推考焉。孝昭應神

反正諸陵是也。仍其舊號。亦然也。伏山陵是也。不惟是陵也。鳥田

丘。是慈明寺村地。

安寧陵在西南。諸陵式畝旁山西南。御蔭井上。按御蔭井上

陵是以井上為陵所在。然井之得名。蓋因陵故為御蔭。今此

陵呼曰阿禰山。即安寧所訛其地。吉田村。

豔德陵在南。諸陵式畝旁山南。纖沙溪上。按今呼纖沙山。以

纖沙布露溪間也。其地畝旁村。安寧及此陵並有祠在陵

上。凡陵地建祠奉祀。往往有之。未審其昉於何世也。

宣化陵在身狹桃花鳥阪上。諸陵式身狹桃花鳥阪上。陵。按

鳥乃畝旁南地。凡地謂之身。謂高地曰高身。卑地曰卑身。之類是也。蓋對天則地是形

魄身狹之地。因其介丘隴甚狹。隘而名之。歟。乃分在南北。為

大身狹。小身狹。欽明帝十七年。置百濟人於大身。北者比

之南。頗廣。所謂大身狹。此也。其地相接桃花鳥阪。故號曰身

狹。桃花鳥阪上陵。凡兩地之交。不可偏舉。必號之以兩地。

孝德陵號大坂。磯長陵亦然。益田池碑云。左龍寺。謂龍蓋寺也。世右鳥陵。

鳥陵即桃花鳥阪上陵而省其語也。性靈集注鳥陵為白鳥陵白鳥陵按史當在琴
引原蓋今原陵地今為鳥谷村自此東南即益田池故地。
故云右之也身狹之訛為三瀨三瀨村乃在其東又其東石
川村有劍池焉。

孝元陵在劍池之島。諸陵式劍池島上陵北是身狹之東。按

應神帝十一年十月作劍池然則穿此池後於築陵而陵蹠
乃取於池池名曰劍未知其故也古事記作劍池中岡今呼
其池曰劍淵陵曰中山冢。

天武持統合葬矣其陵在檜隈大內之丘。諸陵式檜隈大內
南北檜隈是身狹東南所謂輕之舊都也。按輕古時蓋廣
四町

謚德帝都輕居於曲峽宮。孝元帝都輕居於境原宮。應

神帝都輕居於豐明宮。豐明宮趾即今之輕村。三瀨村西有

為宮趾然其地甚狹不取也而距境原東北數町所謂大內之丘當時蓋

以其在宮內名之歟乃在輕村矣。丘北田畝土俗稱輕大臣

凡舊宮地必構佛寺以異之蓋中古檜隈名始見雄畧紀

風習然則輕大寺故是宮之地也又其後宣化帝都檜隈居於盧入野宮其趾即今

有檜隈民使檜隈村此也而檜隈坂合是其少西北今為平田村踰其北

丘則益田池故地其碑文但載檜隈不復稱輕地因以為建
是碑時或併輕以為檜隈歟不然檜隈名不得冠之大內陵
後世輕檜隈各別為一村村落猶京之粟田中世名改為白河

今又別為一村白河一山粟田大內陵魏然而崇今呼為丸

山取名其形也 欽明帝之世檜隈人有駿駒善超乃越大

內之丘與壑十八丈大內丘以高有名已然矣治陵蓋因此

其高莊不亦宜乎檢此陵為壇三成而南面其中等之上有

羨門累石為之隧隧深可三丈而有室築之以聖覆之以巨

石崇廣皆丈餘有石棺二焉一在北南面一在東西面因以

為其南面 天武也西面 持統也廟陵記引或人說云大

無淨御原村但是陵東有上居村土人云上居者淨御之音亂而謬也

欽明陵在阪合諸陵式檜隈坂合陵北其南也按平田村古

墳此也今謂其北丘曰阪中即阪合所訛 推古帝二十八

年以砂礫葺檜隈陵今檢之果然以故或號石山聖德太子

隈寺者欽明天皇宗廟也今檜隈村道昭寺蓋其遺構也尚有九層石浮屠相傳聖德太子所建且俗謂之欽明陵

即以陵廟之稱互通也

文武陵在安古岡諸陵式檜隈安古岡上陵北迺又其南也按

以陵上孤松茂翳今呼高松山一名美贊佐伊

齊明陵在越智岡諸陵式越智岡上陵北越智乃檜隈西地按

越智村西則車木村也土人傳是 齊明帝之葬其靈車所

來止因名曰車來來今作木音同也其東岡崇數十仞呼為

天皇山是蓋山陵也又其側如所陪葬者有之 天智紀葬

大田皇女於越智岡或即此類也神龜十四年五月越智陵

崩長十一丈廣五丈二尺勅脩理之遣使奉幣今檢之果有朽壤而易崩又越智軍記載置兵於越智陵邊而守之云茅原之東有巒嶠號志貴奈美伊佐羅波山所奉藏齊明天皇處因以為志貴布也奈美列也謂山之形勢施靡布列東西也伊佐羅波大和方言謂崩明崩山指此的在茅原之東矣。

右十陵隸于高市郡

孝昭陵在掖上博多山

諸陵式掖上博多山上陵北城東西六町南北六町

神武帝

三十八年巡中國登掖上噉間山

今呼國見山

孝昭帝都掖上

居於池心宮今池內村即其趾在噉間山西北又博多山在

池內西北並蒙之以掖上掖上是此間總名可知矣博多山

今呼天皇山上有祠奉

孝昭之祀其地三室村

池內村西隣曰室村

室是孝安帝秋津島宮所在今有古墳焉石棺一片暴露於其上里老相傳此亦孝昭陵夫孝昭之葬在孝安之三十六年意不應稽延至此更據舊事記書元年八月葬之則孝安孝思之深蓋初近葬其所居室地朝夕觀望之及晚年卜地改葬博多矣且其曰三室或仍陵舊號三本為御者尊之稱

孝安陵在其東玉手丘

諸陵式玉手丘上陵北城東西六町南北六町

按蓋此間亦

當隸掖上而諸陵式不冠之畧言爾今陵所在曰宮山其上

有祠焉

玉手丘東南有舊冢呼為罐子山取名其形也然檢之實是官車象而左右有二三圓冢蓋所陪葬者人

或以為孝安陵非也孝靈孝元二陵未象官車而孝安獨先得如是哉玉手一為玉田是昔時玉田宿禰邑方反正之喪玉田宿禰職護其殯而不共滯飲於家矣已而懼罪殺朝使於路而匿於武內之瑩域武內是玉田氏之祖由

此觀之所謂罐子山蓋武內之丘墳而其孫宿禰之所匿處亦可以備考矣

乃越智西南之地自此其南可指芳野山

右二陵隸于葛上郡

後醍醐陵在芳野山藏王堂東北

正統記應仁記年中行車大平記

按今呼塔

尾陵昔時以陵前有如意輪塔名之也

右一陵隸于芳野郡

崇峻陵在倉梯岡

諸陵式倉梯岡陵無陵地

芳野東北多武峯其東北之麓

是為倉梯岡

崇峻為賊臣所虐即日葬之是不成葬也意

其陵不應比他而今檢之因其以石為玄室呼曰巖屋山

赤坂山一名御陵山一頗高壯蓋非一朝所治治壽藏當時已成俗乃若

聖德太子磯長墓蘇我蝦夷父子新漢大陵小陵是也崇

峻陵亦壽藏歟不然葬能得其速如此乎地傍蹊間甚隘不

獲為之兆域諸陵式曰無陵地其此之謂歟

右一陵隸于十市郡

舒明陵在押阪內

諸陵式押阪內陵兆域東西九町南北六町

按今呼壇壇山壇三

成故得斯名矣

倉梯之北為押阪又其北三輪三輪而北纏向之西是走山

邊道也

崇神陵在山邊道上

諸陵式山邊道上陵兆域東西二町南北二町

曰勾岡

古事記**按**今

呼為向山蓋以勾向字形近似遂謬爾陵旁澁谷村即山邊

古道而西距今道四町餘

景行陵乃其北相並諸陵式山邊道上陵北按史及諸陵式

崇神 景行二陵並但書山邊道上而不言其孰南北也然

今以南者定為 崇神則北是為 景行可知矣且 景行

御名忍代而北陵呼為忍代山即古遺言也古者尚質上下

相名而不敢諱乃若陵號或因御名不一而已仲哀陵曰

神陵曰響田山清寧陵曰白髮山此皆仍其御名也反

正之旨井安堂仁賢之社計山等亦因御名而訛 陵旁柳本村北隣乎釜口

右三陵隸于城上郡

光仁陵在田原之東諸陵式田原東陵北兆域田原是寧樂東南

而寧樂之南乃山邊道也按諸陵式謂之東陵以其對西陵

也西陵是 光仁帝之父施基皇子墓也及帝之登極追

原村有古墳呼為君之平此也田原別為二村其東村之東有古墳呼曰王

墓此即東陵也然其就荒穢侵來耜所象以為官車不可復

見更考之今京郊諸陵惟 文德獨象官車其餘藁尔圓丘

而平地之所築無復如舊矣此自 光仁既有然歟不必其

殘也

開化陵在寧樂春日鄉率川阪上諸陵式春日率川阪上陵

今奈良念佛寺地有古墳焉此也率川其源發春日山經此

南而西兆域方面纔五段昔時蓋以郊于京邑逼於市廛而

致如此之陝爾

聖武陵在春日之北佐保山南曰南陵

諸陵式佐保山南陵東四段西七町南北

七町按今為眉間寺地為之所殘削無完也然猶檢其跡則後

溝圓而前溝方所象官車尚有存焉無北陵何以謂之南凡

地偏處必稱以其所偏一方不必取對也

仲哀陵曰惠我長野西陵然無對

而為東佐保又有西陵東陵東陵是聖武皇后藤原氏西

陵是文武皇后藤原氏

文武后之陵今呼為大黑柴蓋其火葬處云后尊為大后大黑

其音訛也其邊有刻石面如狐者七枚或云狗形也非狐古

時隼人職守宮門為狗吠故臨大喪亦以狗形置梓官旁

聖武后之陵今喪其所

元明陵在奈保山曰東陵

諸陵式奈保山東陵兆城東西三町南北五町

元正陵並

在其西曰西陵

諸陵式奈保山西陵兆城東西三町南北五町

奈保乃佐保之西所

謂平城舊都北郊也

按距今奈良之西十八町為法華寺村

是皇居趾也二陵即其北今呼在東者為大奈閉在西者為

小奈閉奈閉奈保之訛也大小以言前後之世次

平城陵號楊梅陵

諸陵式楊梅陵兆城東西二町南北四町

當時蓋裁以楊梅而

所號歟乃舊都少西

按廟陵記云法華寺西南有楊梅天神

祠即其北陵此也

元正陵西北有大冢或妄認為平城陵今檢之其形象官車而南面且環以溝

二匝蓋仁德陵以外其高莊無復如此其以為帝陵也宜

矣然觀光仁及桓武仁明諸陵當時蓋皆造陵葬小

獨葬於奈良或此歟史及諸陵式所載古之后妃惟神

功與巖之姬也蓋其墓制率是卑小州野之間累累

焉後世不可得而識獨若奈良阪墳即以其高莊世世所目

也。史及諸陵式安取諸
蓋無他亦以其高莊

右六陵隸于添上郡

垂仁陵在菅原伏見曰東陵諸陵式菅原伏見東陵兆安康

陵乃在其西曰西陵諸陵式菅原伏見西陵兆是舊都西郊

按今伏見菅原分為二村伏見村西有古墳呼為蓬萊山因

其環溝池樹松柏俗以為仙島而所稱焉垂仁帝之世但

反則帝已崩守不堪其哀乃復命陵前遂哭而死史謂其

墓存也今陵北圓冢豈其此歟世妄認之為安康陵然

則此其非是此即垂仁陵則其西數町又有呼為西蓬

萊山今已犁為田惟其溝未埋處環殘陵若半月然蓋方其

未毀與東陵屹乎相望也西蓬萊之名於是乎得此蓋安

康陵也呼為保天堂ホウテン安康御名穴穗穗音保省穴字呼之

則保天堂即穗天皇訛也

成務陵在狹城盾列池之後諸陵式狹城盾列池後陵是舊都

西北郊野也按狹城崎也言山阜岬岬今起昇寺村西北為

山陵村實是山阜岬岬而有四池焉池皆南北縱列里老相

傳故七池其三已作田所謂盾列池即縱列池也盾縱音借

也

東南則神功后之陵在池上諸陵式狹城盾列池上陵按

陵旁有鳥居土人歲時奉后之祀也廟陵記引史曰承和

災異閱錄觀之北則更復傳其誤也雖然諸陵式是延喜

中所論定豈有誤也蓋承和所闕
反是有誤而當時未深考之爾

西北則 孝謙陵在高野諸陵式高野陵北城 **按**史作佐貴

高野山陵佐貴狹城也式不冠之略言爾野 孝謙史稱高野天皇正統記稱

高野姬按其文則高野陵若壽陵然

右五陵隸于添上郡

孝靈陵在傍丘馬阪諸陵式傍丘馬阪上陵北城東西五町南北五町 傍丘是舊都西

南而其西並葛城山延迤乎南者里所因號傍丘焉馬阪其

西北而葛城之麓也 **按**大和西偏古葛城國也後世分為二

郡曰葛上葛下葛下即傍丘西地所謂片岡莊也片岡葦田

池及片岡氏之墟並在下牧片岡即傍丘則其墟與池所在

牧地果是傍丘也馬阪今之馬瀨阪在達磨寺西獨其地西

山是麓而與傍丘隔離數町因知傍丘非西山而其名泛蒙

此間或指西山曰傍丘謬也 孝靈帝 孝元之六年葬于此 稽延一何爾或其改葬而然

耶然則其故陵何在也黑田 孝靈所都其地陵墓之類累累有在亦可備考

顯宗陵在傍丘磐杯曰南陵諸陵式傍丘磐杯丘南陵北城東西二町南北三町 磐杯

傍丘南隅也 武烈陵乃其北相並曰北陵諸陵式傍丘磐杯北城東西二町

西二町南 **按**磐杯之名久喪之今傍丘之間以磐字尋磐石

之處卒無有之更因音考索凡磐祝假音通用磐樟船之類

祝而神之也 古事記石作連作石祝作連祝字是行即石之音注混入其本文者也 磐杯蓋壽

藏取其名於祝而築之今傍丘南隅為岡莊即片岡別莊名

也。有築山村。其南為陵家村。而南北各存古墳。因以為築山。是磐杯省盤。而杯更為築也。陵家以嘗宅陵戶名之。今檢之。則北陵甚高莊。武烈之壽陵。其侈可想。而南陵乃平地之所築。頗卑小。顯宗之有天下也。躬仁儉。不亦其驗乎。史記酷吏傳。張湯調為茂陵尉。治方中。漢書音義曰。方中陵上。土作方也。蘇林曰。天子即位。豫作陵諱之。故言方中。由是觀之。古時本朝亦嘗有然者歟。可以考備矣。○大和志。以北陵為茅停皇子墓。諸陵式。茅停皇子墓在葦田池。是即傍丘北隅也。非也。

右三陵隸于葛下郡

河內山陵凡十有三所

仲哀陵在惠我長野。諸陵式。惠我長野西陵北。北惠我長野濱石

川而南北長矣。陵居其西偏。故曰西陵。按呼為仲津山。古來

所傳仍 仲哀御名也。

允恭陵乃在其東北。曰北陵。諸陵式。惠我長野北陵。北按呼

為市野山。此地故是所謂餅香市邊也。餅香即今為國府村。

或以為市邊。王押磐墓。然他無所徵。不取也。

應神陵當西陵之南。所謂惠我藻伏山陵也。諸陵式。惠我藻

西五町南。北五町。按呼為譽田八幡山。併用其御名與神號也。因廟

而祀焉。地南隣古市。故其緣記曰。葬於古市郡長野山。緣記

欽明天皇二十年二月十五日。勅。立社奉祀焉。長野明是此間總名也。今西北

二陵皆繫長野。而此陵獨不言長野。南陵何也。蓋藻伏之名

自古大聞，即其地方不足詳言也。藻伏古事記作裳伏，注曰百舌鳥，百舌鳥本是和泉地名也。因疑此自彼改葬而仍其舊號，遂喪陵地之故名，故名曰蓬萊丘。見於雄畧紀，且百舌鳥八幡神祠相傳有改葬之說，如今所疑也。其八幡之山，魏然而象宮車者，蓋其故陵也。書紀不言葬古事記云葬于裳伏山陵而闕其年月，蓋追筆之，未詳改葬否也。古史之遺亦從可知。

右三陵隸于志紀郡

雄畧陵在高鷲原

諸陵式高鷲原陵兆域東西三町南北三町

是長野之西。按鳴原

村有古墳，其形圓而環以溝，此也。呼為丸山，以今所觀也。然

從遠眺之，其地勢隆然，所謂官車象，可以想見矣。耒耜殘餘，纔觀其圓，悲夫高鷲之名久喪之，但陵南有僧寺，取以為寺

地山號

其南塹生阪

塹生今訛為羽或

仁賢陵在塹生阪本

諸陵式塹生阪本陵兆域東西二町南北二町

按今呼牡計山，其

御名所訛御名於計也

右二陵隸于丹比郡

今分為南北二郡高鷲丹比也塹生阪本丹南也

其南阪門也

塹生阪門也和名抄鄉名尺度尺度即阪門今有阪田村蓋其訛也又有阪門池

清寧陵在阪門原

諸陵式阪門原兆域東西二町南北二町

按呼為白髮山，仍其

御名也其地西浦村

而其東古市即惠我長野之南

安閑陵在古市高屋丘

諸陵式高屋丘陵兆域東西一町南北一町

按明應亂畠山

尚慶城據焉故今呼高屋城墟諸陵式安閑春日皇后高

屋墓兆域東西二町與山陵自別兆域史謂之合葬以地相隣

謬之爾今祀八幡之神此也

右二陵隸于古市郡

古市之東南磯長

敏達陵在磯長曰中尾陵

諸陵式磯長中尾陵兆域東西三町南北三町

按葉室村西

有古墳此也其形象宮車據史初殯于廣瀨廣瀨郡有仁基山酸山皆帝陵

形也疑其一是敏達初葬之陵而史誤以初葬為殯亦不可知也

崇峻之四年祈其 后

妃廣姬磯長陵

廣姬以敏達之四年薨

因知帝王后妃陵制故皆同

用明陵在其東北曰原陵

諸陵式磯長原陵兆域東西二町南北三町

按春日村

古冢此也古事記以此謂中陵蓋西南則中尾東南則山田

東北則大阪磯長西北則聖德太子墓屹乎相望也

推古陵在其東南曰山田陵

諸陵式磯長山田陵兆域東西二町南北二町

按山田

村古冢此也古事記以此謂科長大陵以殊高莊也科長即磯長

孝德陵在其北曰大阪磯長陵

諸陵式大阪磯長陵兆域東西五町南北五町

按大阪

磯長地相接而陵介其際故取名於兩地

按山田村古冢稱

北山者此也大阪是葛城山自河內踰大和處

右四陵隸于石川郡

後村上陵在檜尾山觀心寺地鳩嶺雜事記檜尾磯長之南也

按寺後山中有圓墳廣可二丈寺僧歲時奉祀焉

右一陵隸于錦部郡

和泉山陵凡三所

仁德陵在百舌鳥耳原曰中陵諸陵式百舌鳥耳原中陵**按**

仁德帝六十七年冬十月幸河內石津原卜陵地方其營陵時有奔鹿入役所而斃乃異之而探其瘡痕則有百舌鳥從耳中出去耳已為之咋傷因命其地曰百舌鳥耳原遂又為陵號蓋壽藏自此始矣凡營陵因山然其高莊巍巍可仰未有如此其大也 帝之理天下以仁儉而其自營壽藏獨何

以侈也蓋山陵所以奉 祖宗之祀致仁孝之誠而聖人建

制垂訓不以天下儉其親乃以厚待其子孫不敢自薄於其葬至於今土人仰之號曰大山陵後世國恤率火其葬或以塔擬山陵僧司喪祭雖曰居儉禮由此出夫喪祭禮之大經也仰大山陵而謂之侈者愛羊之類也不足與議禮意也天平寶字二年割河內置和泉國百舌鳥隸焉古事記百舌鳥作毛受毛受村石津村隣也

履中陵在西南曰南陵諸陵式百舌鳥耳原南陵**按**呼為美

贊佐伊在石津村北

反正陵在西北曰北陵諸陵式百舌鳥耳原北陵**按**今呼其

溝曰盾井之池盾井丹治比之訛仍其御名也在和泉界
邑東郊河內藤井寺西南古墳象官車土人傳是反正陵
在於彼而史謂之夫反正以九禁之六年葬於耳原也則初葬或
殯蓋其所謬矣

右三陵隸于大鳥郡

攝津丹波阿波淡路讚岐隱岐佐渡凡七國山陵各一所

繼體陵在攝津三嶋藍野諸陵式三島藍野陵北大田村古

冢此也呼為茶白山以其頂有凹處名之也然而象宮車環
之以溝依舊焉三嶋今割為上下二郡曰上島曰下島

光嚴陵在丹波桑田郡之山國太平記初居伏見光明院以其

山國村有常勝寺即其火葬處今塔廟存焉

土御門陵在阿波板野郡之里浦紹運錄東鑑增鏡要記保曆

遷于土佐尋遷于阿波寬喜三年十月十一日崩于阿波
然皆不載其葬於里浦畧之也明月記天福元年十二月
母后承明門院為帝營金原御堂移藏御骨焉故增鏡寬
元年十月脩十三忌之法會於金原吉續記文永十年七
月遣山陵使於金原金原蓋板野緣海洲嶼之間今稱無

乙訓郡西郊所謂御堂今亡
養莊里浦是洲中一村落有石塔土人莫知誰墓也但歲十
月十一日父老齋於其前以通夜焉古來以然矣十月十一
日即是土御門之御忌蓋方其喪也民之悲哀何如哉至
於今尚猶置齋奉祀不失其遺跡此僅可徵已

廢帝陵在淡路三原郡諸陵式淡路陵北城和名鈿三原是

國府所在廢帝以孝謙之雄猜降封淡路公而幽于其

府既而公不堪憤踰垣而逃國守佐伯助掾高野並不等率
兵邀之公還厥翌暴崩則其葬當去府不遠府趾今距洲本
之治西南可三里曰市村其中稱國司館趾此也乃其西可
三町有古墳在焉其方二十步森如也 廢帝陵即此而其
祠曰野田宮在旁焉

崇德陵在讚岐阿野郡之白峯寺

白峯寺緣起

按白峯寺緣起山

陵所在是其寺西北隅云其寺西北隅今檢之孤墳據岩壁
之上封土高八尺石牆以環之其前有廟安 帝遺像以奉
祀焉又左有 母后廟 待賢門院藤原氏 右有山神廟讚岐守源公
世能致堂宇之脩巖然可畏敬 他陵在阿波及薩摩封內 鳴
並欲其國君亦能放焉

乎亦異哉僻陬有陵寢其生也嘗有幽辱茲土而死也長見
靈威祭則授福比之他就荒穢可謂幸矣

後鳥羽陵在隱岐海部郡之荊田山

百練鈔增鏡東鑑要記

遺骨歸京藏於大原西林院仁治二年二月造法華堂於大原遷置焉藏於西林以下要記亦同之 **按**荊田今

勝田山是也勝田山源福寺有塔廟即其火葬處

順德陵在佐渡雜大郡之真野山

後中記平戶記正統記增鏡

帝崩於佐渡百練鈔紹運錄要記又載 **按**諸書並皆闕葬地

以其收骨歸京也雖然真野山至於今奉陵寢之祀不敢弛
廢云若讚岐隱岐阿波諸陵亦皆為其國人畏敬則邊鄙惇
朴之風此大可愛矣

卷之一終

關東後學

蒲生秀實

稿

山陵志

九志二

京郊山陵除泉涌其餘凡三十有八所。按京師號平安其

四郊是山城之郡鄉蓋自桓武之奠都于平安而累

聖山陵以香刹名藍布列於郊其麗曷嘗數十而已哉

然喪亂之後已嘗毀兵火侵耒耜而殘暴荒穢其跡幾

盡至於今所完以存蓋無幾焉且其地名亦變所在不

諦曠野之間不可指定自史官之廢其所參考諸書率

皆是家乘私記其說紛紜而難適從將何以徵惟妙法

王家所藏兩京古圖推步其地頗有可證足以為左券

矣而至其所難悉乃俟有識

中宗曰天智。天智陵在山科鄉。是為山科陵。諸陵式山科陵北域東西

十四町南背鏡山面京路。萬葉集額田王去山科陵時所賦歌中有鏡山之語按鏡山

前是陵地。而其右旁有小祠。有鳥居焉。土人歲時奉祀。幸無

所荒穢。雖世有污墜。道有盛衰。天之顧於有道。特如是然。陵

之四野。號御廟野。廟之與陵。俗言互通。又東南有村落。曰陵

村。乃隣大津。大津是。中宗所都也。廟陵記云山科陵石棺

檢之不然其陵狀圓者此用明以米制也。然則其內應有

玄室。其制嚴密。苟陵不殘毀。則石棺之蓋不得外出。於陵尚

無所殘毀。則棺獨何以暴哉。陵前有方石。其上平而廣。長若

于尺。呼為履石。蓋奉幣使宣命之處也。人或云此石嘗在於

外。後移致於此。以復其初。嚮以為石棺蓋。謬認指此。

京之東郊曰粟田鄉。此古鄉名也。中世其稱更為白河。因水

淨土村北有白河其繼之而東。即山科鄉。而京路之南。岐走

伏見。由醍醐。醍醐陵在醍醐寺北。笠取山西。畧記貞信公

記云四面八十町。穴深五尺。方三尺。校倉高四尺三寸。縱橫

各一丈。校倉蓋其壙中所藏。而安梓宮者。四面八十町。是擬

為兆域。則似甚廣。恐乃八町。而行十字也。故小野寺地也。畧

著聞集李部王記並稱醍醐寺北山科陵○江次第以陵所為醍醐寺地。曼陀羅寺丑寅山根記。號陵

所曰曼陀羅寺也。更據真言傳仁海僧正建曼陀羅寺。于小

野併觀之。所謂小野寺。即曼陀羅寺是也。以山陵是為後山

科陵。拾芥抄按今陵地平坦。草莽穢蕪。然而從檢之。固非墾

傷而然也。蓋嘗塔其上。而塔為兵亂之間。所除去歟。朱雀

陵亦然。李部王記云山作使立卒都波三基于陵地

朱雀陵乃其少南。畧記要記帝王系圖大鏡裏書並云安遺

畧記為愛岩山大鏡一說為鳥部野編年記一說為法性寺東中尾南原今從帝王系圖大鏡裏書要記以火葬于來定寺為得而醍醐寺東李部王記按距醍醐陵南可三町在家人屋後地名陵町也

右三陵隸于宇治郡

桓武陵在柏原諸陵式柏原陵北城東八町西三町南五町北六町加丑寅角二岑一谷醍醐而南

也其地乃通深州山為伏見按柏原名久廢其地難認廟陵

記引山槐記指南云稻荷山南則極樂寺趾今是為寶塔寺其南則霞谷是仁明帝陵所也又其南伏見之山有柏原焉是桓武帝陵所也據式條北城及山槐記所載閱當時地圖即今之伏見城山古御香大龜谷等地總是皆柏原則

陵之所在想當在城之中央蓋築城時為所毀壞又按仁部記文永十一年以盜發柏原山陵諸陵寮上言其狀曰御所之巔東西一丈三尺南北一丈六尺發掘上似塞以石又云件陵登十丈壇圍八十餘丈明是全體必不卑小而今問其所終于難認則云壞於築城果然也廟陵記今呼曰金冢松山恐其所葬處噫其城亦已墟乘海之感又奚耐焉

仁明陵在深州山是為深州陵諸陵式深州陵北城東西一町五段南五段北二町醍醐

而西柏原而北故嘉祥寺地也江次第號霞谷古今集文屋康秀深州陵

思日歌中有州深霞谷之語按嘉祥寺趾即今谷口村也谷霞谷之谷省

語也據古圖山陵果在焉其西有貞觀寺趾貞觀八年改定

深州陵四至云西至貞觀寺東垣北至谷此二方足以取證
近世妄人榜於此陵側曰桓武天皇御陵甚哉欺物也

乃其西有法華堂以堂擬陵也是為後深州陵康富記伏見中陰記

伏見後伏見同祔焉伏見據中陰記皇年代畧記並云火葬深州中陰記又云祔遺骨於

後深州帝之法華堂後伏見據皇代記皇年代畧記並云火葬嵯峨野安遺骨於深州法華堂

樂行院中庭有小堂傳云是法華堂趾以其內安先帝遺

骨稱為御骨堂據古圖後深州伏見後伏見後柏

原後奈良同祔焉名五帝之陵更據泉涌寺說後柏原

後奈良後遷之於泉涌寺云故除之

自此其西為京之南郊曰鳥羽

鳥羽鄉有塔三基以擬陵白河陵其西塔也故成菩提院地

編年集成火葬香隆寺西邊中右記以此為衣笠山東麓而云安遺骨於香隆寺夫衣笠東麓即香隆寺西邊也二書互

言舉其一百鍊鈿天承元年所遣山陵使其於成菩提院則注曰院也故古記壽永二年所遣山陵使其於成菩提院則注曰

白河院是也皇年畧記葬神樂岡不取也成菩提院三重塔是據百鍊抄蓋天仁二年所建時未言其級層也更考長秋

記及中右記要記皇紀天永二年及三年相尋建塔於鳥羽皆稱曰多寶塔則天仁所建明是三重塔而成菩提院也

按地今已開墾尚謂其田曰成菩提院其中有圓丘蓋塔之

基也里老相傳以為近衛陵誤也

鳥羽陵其中塔也愚管抄百鍊鈿要記皇紀編年紀皇代記並云葬安樂壽院塔單言塔者其畧之也

帝王系圖稱言近衛陵其東塔也要記皇紀編年紀並云火葬船岡之西權安遺

骨於知足院常行堂百鍊鈿長寬元年並是安樂壽院地安樂

遷鳥羽之東殿美福門院之塔此也

壽院其僧相傳保
延三年所創也
按山槐記
鳥羽皇嘗創二塔於鳥羽之

東殿以其一令藏御骨一充之女院女院謂美福門院也

安樂壽院相傳以中塔成於保延五年謂之本御塔東塔成

於保元二年謂之新御塔所謂本御塔是鳥羽皇所最尊

焉故其落成也詔禪衆謂遷化之夕可托遺身於塔下

安樂壽院今尚藏此其明證也

紹運錄葬新御塔來由記葬安樂壽院地就其上建五級寶塔莊飾巖麗准本

御塔其內安彌陀像稱新今就其趾構堂焉

相傳此塔以大火兵火毀謂新御塔是美福門院遺令使別葬已於紀之荒河高野

山高野平野村有一丘上建五輪塔其高可則其內空虛是以近衛遺骨藏焉爾

右六陵隸于紀伊郡

淳和陵在西固鄉物集村

文葬於物集村粉碎御骨散於大原野西山嶺上皇年代私記亦云散御

骨於大原野諸陵式淳和陵不載以遺詔壅粉其骨而颺之

野也物集村有圓墳焉曰車冢里老相傳淳和帝靈車火

於此猶可擬山陵蓋帝王薄葬以嗟峨為始

嗟峨帝遺詔曰夫存亡天地之定數物化之自然也欲朝死夕葬宜作棺不厚覆之

以席約以黑葛擇山北幽僻不毛地其葬限不過三日夜刻

行葬地從者不過二十人然至于淳和其所為亦已甚矣當時中納言

藤原吉野諫曰不起山陵古無有之山陵猶宗廟也苟無有

之臣子何仰弗聽遂致其葬若是其慘也夫嗟峨淳和

可憾仁明帝遺詔以布帛代綾羅傳鼓吹方相而文德之葬禮乃謂皆從儉約一如仁明故事而變其前例
惟有方相而已清和宇多亦遺詔依例以火其葬不起山陵令百官及諸國不舉哀停素服而其停謚葬亦從宇多始故醍醐帝遺詔有使不奉謚也所謂荷前亦廢而不舉惜哉
國忌雖在追遠反苦有司歲終荷前煩而無益並停之夫喪祭禮之大經也是而崩壞宜國亦從衰也吉野中納言言不納千載遺憾

西岡鳥羽之西也其北田邑鄉為京之西郊

文德陵在田邑鄉真原

諸陵式田邑陵北城東西四町南北四町

按真原今名廣野

其陵狀前方而後圓以象宮車環之以溝京郊山陵此特為然然其廣狹纔不過十餘步視之大和河內諸陵可謂兒孫

已實錄八月乙卯崩以九月甲子葬之其間僅十六日且平地之所築不因以山宜其不如古也

光孝陵在其北鄉立屋里小松原是為後田邑陵

諸陵式後田邑陵在

田邑鄉立屋里小松原四至西至芸原岳岑南限大道東限清水寺東北限大岑畧記皇年代私記或作小松山陵因稱小松
仁和寺西南地也江次第作仁和寺西大教院良拾芥今亡所謂立屋芸原諸名亦皆失之清水寺趾不知其處也幸獨仁和寺所在與古不異據古圖芸原岳岑是小松峯大岑即宇多山大道當三條路諸陵式所載頗合
按今仁和寺西南有古墳在焉里老相傳以為光孝陵據古圖果然

北為宇多野京之東北郊也

宇多陵在宇多之大內山

皇年代私記畧記大鏡裏書並云仁

和寺西北隊也。古圖按依遺詔不置山陵然已云火葬則其火

葬處猶足擬山陵大內山是其火葬處帝王系圖云在仁和

寺西據古圖即仁和寺西北丘頂果有宇多陵今呼為九

山因形而命之此也御室相承記寬平法皇陵在神倉上

今丸山而東北谿間有方地圍之以小溝其廣長東西四步

南北七步此蓋神倉趾亦可以備一證矣。編年集成宇多

池尾之山池尾山是山北幽澗邊也與諸書不合又丸山而

東北之丘有大石或謬為宇多陵名勝志引三僧記曰是

一條左大臣雅信墓據古圖果然

後朱雀陵古圖此間有陽明門院陵後冷泉陵乃列其側焉。後朱雀

教寺圓教寺今亡二陵是圓教寺安遺骨處也據古圖圓教寺在

仁和寺東隅而二陵乃列於宇多陵側不知或嘗改葬于

此歟抑圓教寺安遺骨處固離在焉也

其西隔一溪鳴瀧川曰中尾村村之北丘隴迤邐乃其上方是

北中尾村

村上陵在北中尾村紀畧葬田邑鄉北中尾一云宇多鄉北中

稱曰宇多鄉按長明發心集云仁和寺之與有僧二人一稱西尾

聖一稱東尾聖聖者法師尊稱也因其所居也據古圖村上陵在

東尾西尾之北當其兩間也謂之北中尾不亦宜乎今之五

智山即其地呼為御廟山山槐記村上陵在仁和寺長尾

花云岩陰松崎與也。天曆廟以廟稱陵所在當時蓋其地有。

圓融陵乃列於其側是為後村上陵。代私記畧記百鍊鈔皇年

寺北安遺骨於村上一為後村上陵側左經記寬仁元年遣一條陵

堀河陵又次焉。坂野一條據紀畧大鏡裏書並云火葬北山長

記作岩陰即其同地也。紀畧小右記左經記大鏡裏書並云

避方忌權安圓成寺左經記又云寬仁四年遷於圓融寺邊

堀河據要記皇記編年記皇代記皇年代畧記並云火葬

香隆寺坤原安遺骨於香隆寺長秋記百鍊鈔並云永久元

年遷於仁和寺圓融院皇

代記獨云醍醐寺不取也 **一條陵**左經記以為圓融寺

邊。堀河陵長秋記百鍊鈔以為圓融院據古圖二陵皆列

於村上陵側而。圓融獨否別在圓融寺圓融寺是仁和寺

東南衣笠之麓也。蓋其中有廟遂謬為陵故村上陵側不

得重圖然葬已云村上陵側又稱後村上陵則其次當列

一條。堀河然則云圓融寺邊或云圓融院並當改作圓融

陵側恐是傳者之疎也。

又其西愛宕之山其麓曰嵯峨。

嵯峨陵在嵯峨大覺寺北。皇年代私記葬嵯峨院北之山麓山

山陵使翌日山陵使左大辨經房造于攝政府曰至嵯峨莫

能得陵所問之里老則曰大覺寺北方山大覺寺舊是嵯峨

也離官 **按**遺詔云擇山北幽辟之地以三日葬之不封不樹長

絕祭祀諸陵式由此無載然今大覺寺北山麓幽辟之間有

一丘呼為御貌山此蓋山陵也陵或稱廟廟之言貌也其音

近聖德太子磯長墓土人稱御貌山以訛徵訛古蹟可考。

自茲循山而東北。後宇多陵所在。故蓮華峯寺地也。皇代私

記葬蓮華峯寺傍山按寺之殿堂蓋自應仁亂已焦土里老猶識陵所

曰大覺寺東北山麓呼為八角堂此也。舊是八角堂而金玉其飾。今者纔板屋庇焉。

大覺寺之南其為龜山。龜山陵所在。故淨金剛院法華堂

地也。增鏡火葬龜山殿上山建法華堂而安骨焉。文應帝

外記分遺骨藏於淨金剛院法華堂及南禪寺金剛峯寺

後嵯峨蓋同附焉。增鏡葬於藥州院藥州院是龜山殿

也。記並云藏遺骨於淨金剛院吉續記文永十年遷于法華堂

法華堂不書地蓋以其在淨金剛院內也。然增鏡謂龜山

帝之葬而建法華堂則似非與文永之法華堂是同或以其

脩復謬為建之於一院中理不容有二法華堂焉。故知是同

附按龜山天龍寺是龜山殿趾相傳以其後林數畝之間為

窀穸所蓋法華堂趾。

登愛宕其途有僧院號福田院。後龜山陵所在。按陵上安

塔院僧奉祀古來所傳是已無復他證。

清和陵在愛宕西南水尾山。實錄火葬栗田山安遺骨

於水尾山因稱水尾帝按水尾山本丹波國地今隸于山城葛野此山村極陋有寺號圓覺

圓覺寺者舊是京東粟田道場也。清和帝自遜大位乃御

清和院遂遷御山莊落飾入道山莊即圓覺寺也。後歷覽名

山佛櫬乃卜水尾之山為終焉之地既而歸京崩於圓覺寺

故取其寺號以奉祀焉。有遺詔不置山陵諸陵式由此無載

然水尾山安遺骨處里老相傳以指圓覺西北山隅為陵所

其間隔一溪此也

後三條陵在仁和寺之南故圓宗寺地

畧記百鍊鈔編年記要記皇年代畧記並云火

葬神樂岡南原藏遺骨於禪林寺然而其後當遷于圓宗寺
吉續記文永十年遣山陵使於圓宗寺則圓宗是為陵所無
疑元享釋書延久二年圓宗寺成
乃在仁和寺之南莊麗冠都下

宗寺趾後三條塔廟存焉

仁和寺東丘曰衣笠之丘之東故香隆寺地二條陵所

在編年集成火葬香隆寺良野百鍊鈔喜應二年自香隆
寺本堂遷于三昧堂三昧堂不書地蓋以其在寺內也

香隆寺趾今小松村此也據古圖二條及其后妃高松

院陵並在焉今已

其東北山嶠曰鏡石以其光可鑑名焉隔一川而東厓

斗絕其與乎鏡石相映處曰石影遂稱其左右曰石影長阪

野此奔丹波路所謂北山長阪亦此也故一條火葬畧
大鏡裏書並云於北山長阪而榮華物語作石蔭小右記

作岩陰長阪野但岩陰石蔭用字不一是以易惑且因字尋
地近就鏡石之傍過也故今定為石影取名義於其相映處
也

華山陵在石影

道長記葬大和寺東邊紀畧葬紙屋川上法音
寺北據古圖法音寺之北紙屋川之上即大和

寺東邊也法音
寺大和寺今亡

三條陵乃列其側焉

紀畧大鏡裏書榮華
物語並云火葬石蔭

編年集成葬於舟岡西邊舟岡西邊即石影皇代記編年記
並云藏遺骨於北山小寺北山是為此間總名則所謂小寺
亦或在石

云百年前有一農呼甚兵衛者開墾之地號甚兵衛開今其
樹梅圃相傳以為御墓所疑是陵地矣

後華園陵在京北之正親町小川西岸也故悲田院地山霞火葬悲田

院當時以泉涌寺方遇兵火而不能葬也悲田院今遷在泉涌寺地親長記文明三年詣大原御墓注曰法華堂前是後華園御墓觀於是則嘗致遺骨於彼也其塔廟今存
按故悲田院趾今為大應寺陵是圓冢在寺東林

右二十陵隸于葛野郡

陽成陵在粟田鄉神樂丘東北紀畧後一條陵乃其西而地

傍丘號櫻下故菩提樹院地皇年代私記火葬神樂丘紀畧

即神樂丘東也二書並云藏遺骨於淨土寺今鏡安聖容於菩提樹院百鍊鈔長久元年自淨土寺遷遺骨於菩提樹院注曰後一條御墓地彌櫻下也菩提樹院據紀畧拾芥抄是神樂丘東地古圖作菩薩壽院是謬也
冷泉

陵又其西北也紀畧大鏡裏書並云火葬櫻木寺前野要記

遺骨於山側後二條陵又其西而左丘隅面吉田右日輪川矣

要記皇代記並云葬北白河殿北白河按今真如堂前有佛

院自此傍丘而西北當是櫻本地然失櫻本之名已久故

陽成後一條亦喪所在自吉田東踰神樂丘未盡顧其北

是在原業平墓也曉筆記業平以元慶四年卒而葬東山吉田之與而廟焉此即其廟之趾冷泉陵是

丘北之畝呼冢圓處此也既被墾傷惟二條陵獨見存焉

呼福冢

神樂丘而東如意岳之西今其間而有山焉曰中山乃其南

黑谷是故十樂院地也華園陵所在園大曆葬十樂院之

院在黑谷按陵今失其所古圖闕之華園妙心寺有廟曰五

鳳院妙心寺僧云其側即安遺骨處

粟田而南鳥部鄉

高倉陵在鳥部鄉東山清閑寺地

百鍊鈔編年記皇年記平家物語盛衰記

六條

陵乃其南嶮也

明月記清閑寺小堂即六條御

按清閑寺

相傳高倉陵是堂北丘墳植楓處六條陵乃堂之西園

怪石所伏俗謂此怪石曰要石要取其名摺扇軸處也處此

觀京地其形勢宛然若開扇然而自顧即扇骨所輻發可以

喻矣

後白河陵在蓮華王院法華堂

玉海百鍊鈔編年記盛衰記紹

地法住寺為木曾義仲所火就其墟而

按今三十三間堂故

蓮華王院地法華堂乃在其東以內安聖容呼為御影堂其

右側相傳火葬處

後堀河陵在今熊野觀音寺地

要記編年記百鍊鈔編年集成

記云葬日輪殿地不取也

按泉涌寺來迎院北觀音寺東丘是陵所據古

圖當矣

法華堂自清閑而東南也觀音寺自法華堂而東南入山陂也今熊野而南乃謂之我禪房谷是泉涌寺地

右九陵及泉涌寺隸于愛宕郡


四條陵在泉涌寺地

自此以下不敢引證

泉涌寺齊衡三年左大臣藤原

緒嗣所創始號之曰法輪殿後更之曰仙遊建保六年大和

守中原信房。以法師俊祐居焉。祐又更之曰泉涌。當時以堂
宇荒穢。祐上疏以請理之。元曆上皇爲之降施甚渥。貞應
三年秋七月。勅中納言藤原通方。昇以爲官寺也。元享自
釋書
四條帝之葬也。而經十三世至。後光嚴又以爲陵所。而後
後圓融。後小松。稱光。後土御門。後奈良。正親町
相尋乃爾。後陽成以降。世世併與其。后妃皇太子之喪。
蓋亦皆例以葬焉。官家固已存圖錄。是以今不須考正而
所考正。皆在乎遠陵矣。欲不徒豐昵而孝祀。百王祈天永
命焉。



山陵志

九志
二

九志

神祇志
山陵志
氏族志
職官志
服章志
禮儀志
民志
刑志
兵志

右九志山陵以稿先成故刊之職官亦尋レ爾

修靜菴藏

王叔子

王叔子

王叔子